

## Hezekia Alijinyenyekeza

*Hata hivyo Hezekia akajinyenyekeza kwa ajili ya buku kutukuka kwa moyo wake, yeye na wenyeji wa Yerusalemu, hata haikuwajia hasira ya Bwana siku za Hezekia—*  
**2 Nyakati 32:26.**

**A**kijawa na majuto, “Hezekia alijinyenyekeza kwa kiburi cha moyo wake”.... Lakini ile mbegu mbaya ilikuwa imepandwa na kwa wakati ilibidi ichipue na kutoa mavuno ya ukiwa na ole. Katika miaka yake yaliyobaki mfalme wa Yuda alikuwa awe na utajiri mwingi kwa sababu ya kusudi lake thabiti la kukomboa wakati uliopita na kuleta heshima kwa jina la Mungu aliyemtumikia; lakini bado imani yake ilibidi ijaribiwe vikali na alipaswa kujifunza kwamba ni kwa kuweka tumaini lake kabisa kwa Yehova ndipo angeweza kutumaini kuzishinda nguvu za giza zilizokuwa zinakula njama kwa ajili ya maangamizi yake na uharibifu a wa watu wake kabisa.

Kisa cha kushindwa kwa Hezekia kuthibitisha kuwa mwaminifu kwa dhamana yake wakati wa ziara ya mabalozi kimejazwa na somo muhimu kwa wote. Zaidi sana kuliko tunavyofanya, tunahitajika kuzungumza juu ya sura zile za thamani katika uzoefu wetu, rehema na wema wa Mungu na vina visivyo na kifani vya upendo wa Mwokozi. Pale akili na moyo vinapojazwa na upendo wa Mungu, haitakuwa vigumu kukitoa kile ambacho kinaingia katika maisha ya kiroho. Mawazo makuu, matamano bora, utambuzi dhahiri wa ukweli, makusudio ya ukarimu, shauku kwa ajili ya utauwa na utakatifu, yataelezwa kwa maneno ambayo yanayodhihirisha sifa bainifu za hazina ya moyo.

Wale ambao tunashirikiana nao siku hadi siku wanahitaji msaada wetu na, uongozi wetu. Wanaweza kuwa katika hali ya akili ambapo neno linalosemwa kwa wakati unaofaa litakuwa kama msumari uliopigwa katika mahali pa hakika. Kesho baadhi ya roho hizi zinaweza kuwa mahali ambapo hatuwezi kuzifikia tena. Jel mvuto wetu juu ya wasafiri wenzetu hawa ni upi?

Kila siku ya maisha imesheheni majukumu ambayo tunapaswa kuyabeba. Kila siku, maneno na matendo yetu yanawaathiri wale tunaoshirikiana nao. Ni hitaji kubwa kama nini kwamba tunapaswa kuweka ulinzi juu ya midomo yetu na kulinda hatua zetu kwa uangalifu! Tendo moja la kizembe, hatua moja isiyo ya busara, husababisha mawimbi yanayotapakaa ya majaribu fulani yenye nguvu yanayoweza kuzoa roho katika njia ya kuelekea katika uharibifu. Hatuwezi kuyakusanya mawazo ambayo tumeyapanda katika akili za wanadamu....

Kwa upande mwingine, ikiwa kwa mfano wetu tunawasaidia wengine katika kukuza kanuni nzuri, tunawapa uwezo wa kutenda mema. Kwa zamu yao wanaweka mvuto uo huo wenye faida juu ya wengine. Hivyo mamia na maelfu wanasaidiwa na mvuto wetu tunaoutoa pasipo kufahamu. Mfuasi wa kweli wa Kristo huimarisha makusudi mema ya wote anaokutana nao. Mbele ya ulimwengu usioamini, unaopenda dhambi anadhihirisha nguvu ya neema ya Mungu na ubora wa tabia yake (**Manabii na Wafalme, 29, uk. 238, 239**).